

TEZAU LITURGIC

8 SEPTEMBRIE

ACATISTUL NAȘTERII MAICII DOMNULUI II



MOSCOVA, 2000



Акафист

Рождеству

Пресвятой Богородицы

Конда́к 1

Избра́нней от челове́ческаго ро́да и ро́ждшейся от непло́дове, Пречи́стей Де́ве Мари́и состави́м похвалу́, я́ко рождество́м Ея́ нача́ло спасе́ния на́шего бы́сть и прише́ствие в ми́р Изба́вителя возвести́ся. Те́мже ра́достно Ей возопи́м:

Ра́дуйся, Пречи́стая Де́во, Ма́терию Спаси́теля ми́ра от ве́ка предызбра́нная.

И́кос 1

А́нгел небе́сный предсто́яй пред Бо́гом, по́слан бы́сть к пра́ведным Иоаки́му и А́нне возвести́ти им ра́дость ве́лию, я́ко по непло́дствии сво́ем имут роди́ти Дще́рь Преблагослове́нную, от Нея́же все́му ми́ру ра́дость произы́дет. Те́мже и мы́, ра́дости сея́ прича́стницы, похва́льная пе́сни Де́ве воспо́ем:

Ра́дуйся, в Тро́ичном Совете́ Ма́терию Сы́на Бо́жия от ве́ка предызбра́нная; ра́дуйся,

древними пророками с патриархи многообразне
в образах и сёнех прообразованная.

Радуйся, вящие пяти тысяч лет от создания
мира верными Божиими рабы, яко Матерь
Избавителя ожидающая; радуйся, лестницею
Иаковом виденною, Божие к человеку
снизшествие прообразовавшего предугаженная.

Радуйся, неопалимою купиною в пустыни
Синайстей Моисеом виденною,
предвозвещенная; радуйся, Черным морем
Израилю сух путь давшему, фараона же
потопившему, образне преднаписанная.

Радуйся, написатися нам в книге Живота
Вечного пособствующая; радуйся, Царствия
Небесного невозбранный вход нам
ходатайствующая. Радуйся, Пречистая Дево,
Материю Спасителя мира от века
предызбранная.

Кондак 2

Видяще праведнии Иоаким и Анна являшагося
им Ангела, возвещающа рождество Твое,
Пресвятая Дево, возблагодариша Бога,
призревшаго отъяти поношение безчадия их, и
всем сердцем тепле возопиша: Аллилуиа.

И́кос 2

Ра́зум Божѣственнаго строительства и на зѣмлю
снизше́ствия Своего́ Всеблагі́й Госпо́дь
испо́лнити начина́я, посла́нием А́нгела Своего́
возвести́ти Иоакі́му и А́нне о рождествѣ Твоѣм,
Пресвята́я Де́во. Те́мже вопиѣм Ти́ хвале́бно:

Ра́дуйся, ра́зума Божѣственнаго проявлѣ́ние;
ра́дуйся, дѣ́внаго смотре́ния Его́ исполне́ние.

Ра́дуйся, дре́вле преду́ставленная послужи́ти
воплоще́нию Сы́на Бо́жия; ра́дуйся, от все́х
родо́в в жили́ще все́х Царя́ предѣ́избра́нная.

Ра́дуйся, е́ще в ра́й изрече́нием искусі́телю
зми́ю о положѣ́нии вражды́ между́ те́м и Жено́ю
и Се́менем Ея́ преду́казанная; ра́дуйся, по
исполне́нии вре́мен от непло́дове изволе́нием
Бо́жиим сла́вне произше́дшая.

Ра́дуйся, ро́д челове́ческий рождество́м
Свои́м возвесели́вшая; ра́дуйся, се́тование
ча́явших утѣ́хи Израі́левы преложи́вшая.

Ра́дуйся, Пречи́стая Де́во, Ма́терию
Спасі́теля ми́ра от ве́ка предѣ́избра́нная.

Конда́к 3

Си́ла Вы́шняго разреши́ непло́дство
заматорѣ́вшая во днѣ́х свои́х пра́ведныя А́нны:

зача́т бо Тя́, Пречи́стая, и, ча́я Твоего́ рождéния, ра́достно по́яше Бо́гу Изра́илеву хвале́бную пёснь: Аллилу́иа.

И́кос 3

Иму́щая безму́жно родити Спаси́теля ду́ш и телёс на́ших, Ты́ и Сама́, я́ко чу́до пред ве́лиим и непости́жимым чудесём, от непло́дных роди́телей сла́вно роди́ся, Пресвята́я Де́во. Те́мже воспева́ем Ти́ си́це:

Ра́дуйся, от ко́рене Иессе́ова и Дави́дова произше́дшая; ра́дуйся, от непло́дных ложёсн пра́ведныя А́нны дивно прозя́бшая.

Ра́дуйся, проро́чеством Иса́ии пре́жде лёт дре́вних Де́ва-Ма́терь проявлённая; ра́дуйся, по обетова́нию А́нгела рождённая.

Ра́дуйся, ски́ниєю свидéния и Ковч́егом за́вета прообра́зованная; ра́дуйся, процвётшим жезло́м Ааро́новым обра́зне прознаменованная.

Ра́дуйся, пре́жде рождества́ Твоего́ в Ма́терь Бо́гу-Сло́ву освящённая и предугото́ванная; ра́дуйся, рождéнием Твои́м ми́р освети́вшая.

Ра́дуйся, Пречи́стая Де́во, Ма́терию Спаси́теля ми́ра от ве́ка предъизбра́нная.

Кондак 4

Бури поношений человеческих о неплодствии своем избавльшися в зачатии Твоем, Пресвятая Дево, праведнии родители Твои радовахуся, и в честь рождества Твоего учреждение велие творяху сродником и знаемым, и ти радовахуся им, вопиющая Богу, сотворшему милость Свою, хвалебную песнь: Аллилуиа.

Икос 4

Слышавше окрестные людие, яко дщи Иоакима и Анны наречена бысть Мария, сиесть Госпожа, проразумеваху, Пречистая, велику и славу Тя быти не токмо в людех, но и у Бога. Мы же сбытие сего добре ведуще, величаем Тя сице:

Радуйся, Пресвятая Дево, не от человека, но от Ангела имя Себе еще прежде зачатия приявшая; радуйся, по имени сему Госпожею всея твари быти сподобльшаяся.

Радуйся, яко праведнии родители Твои воздающе Богу благодарение за рождение Твое, великия дары в жертву Тому принесоша; радуйся, яко сродником и знаемым, купно же и убогим вечерю любви сотвориша.

Радуйся, яко от священников, в дом родителей Твоих на торжество позванных,

благословѣна еси; радуйся, яко от всѣх на весѣліе оно собравшихся, похвалѣна и прославлена была еси.

Радуйся, вы́ше всякія чѣсти и похвалы́ явля́шаяся; радуйся, Материю́ Бо́га-Сло́ва бы́ти сподо́бльшаяся.

Радуйся, Пречі́стая Дѣво, Материю́ Спасі́теля міра от вѣка предъизбра́нная.

Конда́к 5

Боготѣ́чная звезда́, возвеща́ющая прише́ствие Со́лнца Пра́вды, Христа́ Бо́га на́шего, в рождествѣ́ Твоѣ́м явѣ́ся, о, Пресвята́я Дѣво; те́мже лю́дие Бо́жии, прише́ствия Изба́вителя ве́рою ча́явшии, ви́дяще Тя чу́дно от непло́дове ро́ждшуюся, та́инственно возвесели́шася и возопи́ша: Аллилу́иа.

И́кос 5

Ви́девши пра́веднии Иоакі́м и А́нна ро́ждшуюся от них Богоотрокови́цу Мари́ю, о Не́йже А́нгел Бо́жий не́кая чу́дная и дивна́я те́м провозвести́, яко киво́ту Бо́жию, То́й послужи́ша, воспитава́юще и храня́ще Ю́, якоже зѣни́цу о́ка. Те́мже и мы́ похваля́юще Богоотце́в, сподо́бившихся роди́тельными бы́ти таковы́я Дщѣ́ри, Дѣ́ве Мари́и радостно воспева́ем:

Ра́дуйся, Пречи́стая Де́во, я́ко по рождестве́
Твоём роди́телие Твои́ вельми́ возликова́ху;
ра́дуйся, я́ко в явлéнии Твоём в ми́р А́нгели и
челове́цы согла́сно возра́довахуся.

Ра́дуйся, я́ко о Тебе́ вси́ проро́цы
многообра́зне предглаго́лаху; ра́дуйся, я́ко еди́н
от них Врата́ми затворёнными, и́н же Горо́ю
преосене́нною Тя́ именовáху.

Ра́дуйся, я́ко вся́ пресла́вная дрéвле
та́инственно о Тебе́ предглаго́лано бы́ша;
ра́дуйся, я́ко Градо́м и Селéнием Бо́жиим
псаломская уста́ Тя́ наименова́ша.

Ра́дуйся, седмосвёщным свети́льником, я́ко
седмию́ дара́ми Свята́го Ду́ха испо́лнена бы́ти
имёвшая, предука́занная; ра́дуйся,
позлащённою трапéзою с хле́бами предложéния,
я́ко Хле́б Жи́зни, Христа́, родити́ имёвшая,
предука́занная.

Ра́дуйся, Пречи́стая Де́во, Ма́терию
Спаси́теля ми́ра от ве́ка предъизбра́нная.

Конда́к 6

Пропове́дник богоно́сных вещáния и глаго́лы
исполня́я, изволе́нием Зижди́теля тва́ри на
земли́ яви́лася еси́, Пресвята́я Де́во, естества́
на́шего цвёте, Ада́ма же и Е́вы воззва́ние и на

пёрвую доброту возведёние. Тёмже всі вёрнии в рождествѣ Твоём радость обрѣтши, духовно торжествующим, поюще дивному в Совете Своём Богу нашему: Аллилуиа.

Икос 6

Возсия в рождествѣ Твоём, Пречистая, заря спасения нашего, во исполнѣние Божественнаго смотрѣнія, имже еди́на Ты́ от всех родов достойна явилася еси́ плоть заимодати Зиждителю Твоему́, пришедшему спасти́ род наш от дрѣвня прѣотеческия клятвы. Сего́ ради зываем Ти́ сице:

Радуйся, Адама и Евы воззваніе; радуйся, дрѣвня клятвы разрешѣние.

Радуйся, сеновнаго закона конѣц и новыя благодати нача́ло; радуйся, промыслѣнія Божественнаго Тайнница и на дѣлания благая нас прісно наставляющая.

Радуйся, еди́на во всех ро́дех достойно обрѣтшаяся бы́ти Материю́ Бо́га-Сло́ва; радуйся, и нам новым во Христѣ лю́дем духовная Мати явля́шаяся.

Радуйся, Матерним Твоим попечѣніем николи́же нас оставляющая; радуйся, в сыны и

дщѣри Сы́ну Твоему́ досто́йны и благоуго́дны на́с приуговоря́ющая.

Ра́дуйся, Пречи́стая Де́во, Ма́терию Спаси́теля ми́ра от ве́ка предъизбра́нная.

Конда́к 7

Хотя́ще о́беты сво́я Го́сподеви возда́ти, пра́веднии роди́телие Твои́, Пресвята́я Де́во, триле́тствующую Тя́ отрокови́цу приве́дша в хра́м Госпо́день со сла́вою и ра́достью мно́гою, первосвященник же (Заха́рия), Ду́хом Бо́жиим объ́ятый, введе́ Тя во Свята́я Святы́х, я́же прообра́зом то́кмо бы́ша Твое́я Святы́ни. Ты́ бо вме́стила в Себе́ не киво́т За́вета, но святы́х Святе́йшаго Сы́на Бо́жия, во утробе́ Твое́й де́вственней пло́ть восприя́вшаго. Емуже́ Ты́ с ли́ки девическими́ вы́ну воспева́ла еси́: Аллилу́иа.

И́кос 7

Но́вое и пресла́вное промы́шление́ Божество́нное бы́сть о Тебе́, Де́во Мари́е. В хра́ме бо Бо́жием жи́тельствующи пи́щу от ру́к А́нгельских принима́ла еси́, Пресвята́я. Те́мже мо́лим Тя́: напитай на́с пи́щею благода́тною, да возра́стем духо́вно в му́жа соверше́нна и Тебе́, Всецари́це, похва́льная возопи́ем:

Ра́дуйся, преукраше́нная добродѣ́тельми, Отрокови́це, в хра́ме Бо́жием жи́ти и А́нгелом Собесе́днице бы́ти сподо́бльшаяся; ра́дуйся, посыла́вшуюся Тебе́ Бо́гом пи́щу от А́нгелов во Свята́я Святы́х принима́вшая.

Ра́дуйся, небе́сным хле́бом во хра́ме чуде́сно воспита́нная; ра́дуйся, к вели́кому та́инству воплоще́ния Сы́на Бо́жия та́мо предугото́ванная.

Ра́дуйся, я́ко повеле́нием Бо́жиим А́нгели на земли́ Тебе́ усер́дно служа́ху; ра́дуйся, я́ко ти́и ны́не на Небесе́х, я́ко Цари́це, благоговейно́ Тебе́ служат.

Ра́дуйся, я́ко и мы́ недостой́нии пѣ́сньми хвале́бными прі́сно Тя́ велича́ем; ра́дуйся, я́ко и ро́ждших Тя́ Богоотце́в всегда́ ублажа́ем и в моли́твах ихъ призыва́ем.

Ра́дуйся, Пречи́стая Де́во, Ма́терию Спаси́теля ми́ра от ве́ка предѣ́избра́нная.

Конда́к 8

Стра́нное рождество́ Пречи́стыя Де́вы ви́девше, устрани́мся суетна́го ми́ра, у́м на Небеса́ прело́жше, иде́же Богома́терь во сла́ве предстои́т Сы́ну Своему́ и Бо́гу, ходата́йствующи́ пред Нимъ о́ всехъ ве́рных, всесла́вное рождество́

Ея (и в храм введѣние) любвию празднующих и вопиющих Богу: Аллилуиа.

И́кос 8

Вся́ тва́рь в рождествѣ Твоѣм, Пречи́стая, обрѣте ра́дость, печа́ль праоте́ческую потре́бляющую: произше́дшим бо от Тебе́ Хри́стомъ Бо́гом, па́дшее во грѣх преслу́шания естество́ наше от паде́ния воста́ и па́ки любѣ́зно Зижди́телю сотвори́ся. Те́мже уми́льно Ти́ взыва́ем:

Ра́дуйся, всеми́рныя ра́дости предвозвѣ́щение; ра́дуйся, та́инство от ве́ка сокровѣ́ннаго явлѣ́ние.

Ра́дуйся, Е́юже паде́ния воста́хом; ра́дуйся, Е́юже прѣ́жде отринове́нное естество́ наше и́стее Бо́гу присво́ися.

Ра́дуйся, Е́юже Иоаки́м и А́нна поноше́ния безча́дия свободи́шася; ра́дуйся, Е́юже безпло́дие серде́ц наших в благопло́дие примени́ся.

Ра́дуйся, Е́юже оби́лие бла́г вѣ́чных ве́рным от Го́спода пода́ется.

Ра́дуйся, Пречи́стая Де́во, Ма́терию Спаси́теля ми́ра от ве́ка предъизбра́нная.

Конда́к 9

Вси́ А́нгели Бо́жии не ве́девшии та́йны Боговочелове́чения в Совете́ Триипоста́снаго Божества́ от ве́ка сокрове́нныя и напоследок Де́вою Мари́ею явле́нныя, вельми́ удиви́ени бы́ша, зря́ще, ка́ко Дщи́ Иоакима́ и А́нны необы́чно естеству́ же́нскому, во Свята́я Святы́х введе́ся. Те́мже недоуме́нием объ́яти бы́вше, благоговейно́ вопия́ху: Аллилу́иа.

И́кос 9

Ветия́ дре́внейший, всему́дрый в царех́ Изра́илевых Соломо́н, прови́дя рождество́ Твое́, Пречи́стая, в Пёснях Пёсней со удиви́ением возглаша́ша: “Кто́ Сия́, проница́ющая, а́ки утро, добра́, я́ко луна́, избра́нна, я́ко со́лнце”. Те́мже Це́рковь ликовству́ючи в пра́зднице Твое́м, ве́село Тебе́ вопиёт:

Ра́дуйся, невече́рняго днё́ Боговёдения́ утро́ светле́йшее, в зако́нней се́ни, я́ко во мра́це, возсия́вшее; ра́дуйся, солнцеебра́зная Де́во, и́стинное Со́лнце — Христа́, де́вственным воплоще́нием в ми́р введша́я и те́м вся́ просвети́вшая.

Ра́дуйся, светови́дная стихия́, су́щественно́ прия́вша́я Бо́га, живу́щаго во све́те

неприступнем; радуйся, Своим малым чревом объявшая Безпредельнаго, вся концы вселенныя объёмляющаго.

Радуйся, полная луно, свет божественный непосредственно восприёмляющая и нас тем озаряющая; радуйся, чистейшее зеркало, в нёмже многая совершенства Божия чудно и верно изображаются.

Радуйся, совершенством Твоих добродетелей и нас к тому же подвизающая; радуйся, немощныя наши силы к творению добрых дел подкрепляющая.

Радуйся, Пречистая Дёво, Материю Спасителя мира от века предъизбранная.

Кондак 10

Спасти хотя род человеческий от первородныя клятвы, дивное смотрения Своего таинство сотвори Господь: избра бо Тя, Пречистая, от рода Авраамля и Давидова, и от Тебе безсеменно воплотиться благоизволи, прешед уставы естества, но и ты произведё от заматорёвша и неплодна корене Иоакима и Анны праведников. Темже рождество Твое (и в храм вхождение) днесь празднующи и рождших Тя песнями восхваляюще, вопиём Богу: Аллилуиа.

И́кос 10

Царю́ Небе́сный, спасе́ния на́шего ра́ди хотя́ на
земли́ яви́тися и с челове́ки пожи́ти, черто́г свя́т
воплоще́ния Своего́, Тя́, Пречи́стая, предугото́ва,
пода́в пло́д безча́дной А́нне, слéзно с
супру́жником Свои́м, моли́вшимся о разреше́нии
своего́ непло́дства. Те́мже мо́лим Тя́, Богома́ти:
разрешí непло́дие ду́ш на́ших, да возмо́жем
принести́ Бо́гу пло́д благих де́л добродéтели,
взыва́юще Ти́ си́це:

Ра́дуйся, пресвѣ́тлый Черто́же безсе́меннаго
Бо́жия воплоще́ния; ра́дуйся, одушевле́нная
Пала́то, в жили́ще все́х Царя́ предугото́ванная.

Ра́дуйся, светле́йший о́блаче, имже Седя́щий
на престо́ле Божества́ к на́м снiде; ра́дуйся,
Посре́днице зако́на и благода́ти, запечатле́ние
Ве́тхаго и Но́ваго Завето́в.

Ра́дуйся, неувяда́емая Лозо́, прекра́сный цвѣ́т
— Спаси́теля ми́ра, произрасти́вшая; ра́дуйся,
благово́нное я́блоко, от непло́дове произра́стшее
и Христу́ благоуго́дно явльшееся.

Ра́дуйся, и на́с, певце́в Твои́х, благоуго́дны
Христу́ предста́вити тща́ющаяся; ра́дуйся, я́ко и
на́с, беспло́дны су́щих де́лы благими́, не
лиша́еши духо́внаго утеше́ния.

Ра́дуйся, Пречи́стая Де́во, Ма́терию
Спаси́теля ми́ра от ве́ка предъизбра́нная.

Конда́к 11

Пе́снь хвале́бную рождеству́ Твоему́ (и в хра́м
введе́нию) принося́щих не отри́ни, Влады́чице
Благо́я, но ро́ждших Тя́ ра́ди, благоцве́тлива на́м
бу́ди, моля́щи о на́с Сы́на Твоего́ и Бо́га на́шего,
да пода́ст грехо́в прощ́ение и жити́я
исправле́ние, е́же в пока́нии слéзном вы́ну
благодарно́ воспева́ем Ему́: Аллилу́иа.

И́кос 11

Светоприе́мная и премы́рная Бож́ественнаго
све́та Свещá, единоро́дная Дще́рь Иоакима́ и
А́нны, предъизбра́нная в Ма́терь Единоро́дному
Сы́ну Бо́жию, днёсь от непло́дове пресла́вно
произы́де, и просвещáет все́х рождество́ Ея́ (и в
хра́м вхожде́ние) ве́рно прáзднующих и
благоговейно́ взыва́ющих:

Ра́дуйся, светозáрная Свещé, Бож́ественным
пла́менем возжжéнная; ра́дуйся, и на́с тём
благодáтно просвещáющая и согрева́ющая.

Ра́дуйся, та́инственная Кле́щэ, У́гль
Бож́ественный Христа́ Го́спода во утробе́ и на
рука́х Твои́х носив́шая; ра́дуйся, и на́с в

Та́инстве Причаще́ния приима́ти То́го сподо́бляющая.

Ра́дуйся, живы́й и преукраше́нный Хра́м Госпо́день, о Нёмже поёт Дави́д: “Свя́т Хра́м Тво́й, дивен в правде”; ра́дуйся, Кади́льнице Свята́я, не фимиа́м, в возду́хе разлива́ющийся, но Христа́, вечно́е благово́ние в Себе́ вместив́шая, и всю́ тва́рь те́м облагоуха́вшая.

Ра́дуйся, Престо́ле, превознесе́нный со сла́вою, одушевле́нное седа́лище Вели́каго Царя́, на́шего же Спаси́теля и Го́спода; ра́дуйся, Цари́це Небесе́ и земли́, с Сыно́м Твои́м и Бо́гом вечно́ ца́рствующая и нас, убо́гих, не забыва́ющая.

Ра́дуйся, Пречи́стая Де́во, Ма́терию Спаси́теля ми́ра от ве́ка предъизбра́нная.

Конда́к 12

Благода́ти па́че, не́же естества́ де́йство прояви́ся в рождестве́ Твоём, Пречи́стая; моли́тву бо безча́дных роди́телей Твои́х, Госпо́дь услы́шав, подаде́ Тя́ им в утеше́ние, я́коже Авраа́му и Са́рре Исаа́ка, восхоте́в вку́пе и Своего́ смотре́ния та́инство на Тебе́ соверши́ти и угото́вати Тя́ в Ма́терь Единоро́дному Сы́ну

Своему, обетованному нашему Искупителю.
Ему же благодарно поём: Аллилуиа.

И́кос 12

Пою́ще сла́вное Твое́ от непло́дове рождéние (и в хра́м Госпо́день введéние), хва́лим Тя́ Пречи́стая, я́ко Тай́нницу Бо́жия о нас спаси́тельного смотре́ния, вопло́щением от Тебе́ Бо́га-Сло́ва явле́ннаго, и вопи́ем Ти́ си́це:

Ра́дуйся, чи́стая Но́ева Голуби́це, рождество́м Твои́м преста́ние пото́ка сме́ртнаго возвести́вшая; ра́дуйся, ве́твь благове́стия Христа́ Спаси́теля погиба́вшему грехо́м роду челове́ческому прине́сшая.

Ра́дуйся, еди́на блаже́нная в жена́х, послуша́нием Твои́м Бо́гу преслуша́ние прамате́ри Е́вы испра́вившая; ра́дуйся, печа́ль Ада́ма и про́чих праотцев, (истомив́шихся ожидáнием прише́ствия Изба́вителя) рождество́м Твои́м в ра́дость преложи́вшая.

Ра́дуйся, я́ко рождество́ Твое́ ра́дость возвести́ все́й вселénной; ра́дуйся, я́ко в рождестве́ Твоём ма́тери ра́дуются и непло́ды веселя́тся (веду́ще, я́ко и Ты́ от непло́дове произошла́ еси́).

Ра́дуйся, я́ко и всѣхъ рождество́ Твое́ (и в хра́м
вхожде́ние) ве́рно и благоче́стно пра́зднующихъ
сподобля́еши благода́тнаго весе́лия; ра́дуйся, с
Сыно́м Твои́м, одесну́ю Отца́ во сла́ве Его́,
спосади́ти насъ, Его́ мно́го умоля́ющая.

Ра́дуйся, Пречи́стая Де́во, Ма́терию
Спаси́теля ми́ра от ве́ка предъизбра́нная.

Конда́к 13

О, Всепе́тая и Пречи́стая Ма́ти Де́во, приими́ сие́
на́ше хвале́бное пе́ние в че́сть пресла́внаго
рождества́ Твоего́ (и в хра́м введе́ния)
приноси́мое, и возроди́ в насъ жела́ние бла́гъ
ве́чных, вку́пе же и изба́ви насъ, Це́рковь Твою́
Святу́ю, Оте́чество на́ше и оби́тели ино́ческия отъ
вся́кихъ бе́дъ и напа́стей, отъ враго́въ ви́димыхъ и
неви́димыхъ, и бу́дущия изми́ му́ки и Небе́снаго
Ца́рствия насъ сподо́би, да во ве́ки веко́в о Тебе́
вопи́емъ: Аллилу́иа.

Этот конда́к чита́ется три́жды, зате́м и́кос 1 и
конда́к 1.

Моли́тва пе́рвая

О, Пресвята́я Влады́чице, Христа́ Спаси́теля
на́шего Богоизбра́нная Ма́ти, у Бо́га святы́ми
моли́твами испро́шенная, Бо́гу посвяще́нная и
Бо́гом возлю́бленная! Кто́ Тебе́ не ублажи́т или́

кто́ не воспое́тъ, Твое́го пресла́внаго рождества́. Рождество́ бо Твое́ бы́сть нача́лом спасе́ния челове́ков, и мы́, сидя́щи во тме́ согреше́ний, зри́м Тя́, Непристу́пнаго Све́та жили́ще. Сего́ ра́ди витийству́ющий язы́к не мо́жет песносло́вити Тя́ по досто́янию. Па́че бо серафимъ возвы́силась еси́, Пречи́стая. Оба́че приими́ от недостойныхъ ра́б Твои́х ны́нешнее похва́ление и не отри́ни мо́льбы на́шея. Твое́ вели́чие испове́дуем, Тебе́ во уми́лении припада́ем и ско́рую в заступле́нии чадолю́бивую и благосе́рдую Ма́терь дерзнове́нно про́сим: умоли́ Сы́на Твое́го и Бо́га на́шего дарова́ти намъ, мно́го согреша́ющим, и́скреннее пока́яние и благоче́стное жити́е, да возмо́жем твори́ти вся́ Бо́гу уго́дная и ду́шам на́шим поле́зная. Возненави́дим вся́ зла́я, укрепля́еми Боже́ственной благода́тию во благо́м произво́лении на́шем. Ты́ непосты́дная наде́жда на́ша в ча́с сме́рти, да́руй намъ христиа́нскую кончи́ну, безбе́дное шест́вие на стра́шных мыта́рствахъ возду́шных и насле́дие ве́чных и неизрече́нных бла́г Ца́рствия Небе́снаго, да со все́ми святы́ми немóлно испове́дуем Твое́ о насъ заступле́ние и да сла́вим еди́наго И́стиннаго

Бо́га, во Святе́й Тро́ице покланя́емаго, Отца́ и Сы́на и Свята́го Ду́ха. Ами́нь.

Моли́тва второ́я

Преблагослове́нная Де́во Мари́е, Цари́це небесе́ и земли́, Твоему́ чудотво́рному образу́ припада́юще, умиле́нно глаго́лем: при́зри ми́лостиво на рабы́ Твоя́ и Твои́м всеси́льным хода́тайством ниспосли́ коему́ждо потре́бная. Вся́ ве́рныя ча́да Святы́я Це́ркви спаси́, неве́рныя обрати́, заблуждших на пу́ть пра́вый наста́ви, ста́рость и сла́бость си́л поддержи́, ю́ных в ве́ре свято́й возрасти́, му́жество ко бла́гу напра́ви, гре́шников к пока́нию приве́ди и все́х христиа́н мо́льбы услы́ши, боля́щих уврачу́й, ско́рби утоли́, путеше́ствующим спутеше́ствуй. Ты́ ве́си, Всеми́лостивая, я́ко немо́щны, я́ко гре́шнии, я́ко озлобля́еми и недостойни́ прощ́ения Бо́жия, оба́че бу́ди на́м в по́мощь, да ни ко́им грехо́м самолю́бия, собла́зна и диа́вольскаго прельще́ния прогне́вляем Бо́га: Тя́ и́мамы Предста́тельницу, И́же не отри́нет Госпо́дь. А́ще бо восхо́щещи, вся́ дарова́ти на́м мо́жещи я́ко благода́тный исто́чник, ве́рно пою́щим Ти́ и превознося́щим пресла́вное Твое́ рождество́. Изба́ви, Влады́чице, грехопаде́ний и бе́д все́х, благоче́стно призыва́ющих свято́е и́мя

Твое́ и покланя́ющихся честно́му образу́ Твоему́. Ты́ бо моли́твами беззаконія́ наша́ ту́не очища́еши, те́мже Тебе́ припада́ем и па́ки вопи́ем: отжени́ от насъ вся́каго врага́ и супоста́та, вся́кия напа́сти и губи́тельнаго неве́рія; моли́твами Твои́ми, подаю́щи дожди́ благовре́менны и землѣ́ обильное плодоно́сие, вложи́ в сердца́ наша́ страхъ Божѣ́ственный ко исполне́нию за́поведей Госпо́дних, да вси́ тихо и мирно́ поживѣ́м во спасе́ние ду́ш нашихъ, во благо́ бли́жних и во сла́ву Го́спода, Ему́ бо, я́ко Творцу́, Промы́слителю и Спаси́телю нашему́ вся́кая подоба́ет сла́ва, че́сть и поклонѣ́ние, ны́не и прі́сно и во ве́ки веко́в. Ами́нь.

Моли́тва тре́тья

О,Пречи́стая и Преблагослове́нная Де́во, Влады́чице Богоро́дице, от непло́дове по обетова́нию ро́ждшаяся и чистоты́ ра́ди душі́ и те́ла Твоего́ сподо́бляшаяся бы́ти Ма́терию Сы́на Бо́жия, Го́спода нашего́ Иису́са Христа́, с Нимже́ ны́не на небеси́ пребыва́еши и има́ши ве́лие дерзнове́ние ко Пресвято́й Тро́ице, от Нея́же, я́ко Цари́ца, венце́м вѣчнаго ца́рствования увѣ́нчана еси́. Те́мже смире́нно к Тебе́ прибега́ем и про́сим: исходата́йствуй на́м у Всеми́лостиваго Го́спода Бо́га прощѣ́ние все́х прегреше́ний

наших вольных и невольных; страждущему отечеству нашему спасения, мира, тишины и благочестия возстановление, времена мирны и безмятежны, крамол злых непричастны; ко изобилию же плодов земных, воздуха благорастворения, дожди мирны и благовременны. И вся, яже к житию и спасению нашему потребная, испроси нам у Сына Твоего, Христа Бога нашего. Наипаче же благопоспеши нам украситься благими нравами и добрыми делами, да, елико мощно, подражатели будем святому Твоему житию, имже от юности на земли украшалася еси, благоугождающе Господу; сего ради явилася еси честнейшая Херувим и славнейшая Серафим. Ей, Госпоже Пресвятая, буди нам во всем скорая Помощница и премудрая ко спасению Наставница, да Тебе последующи и Тобою воспомоществуеми, сподобимся наследницы быти Небеснаго Царствия, страданиями Сына Твоего исходайственного, исполнителям же святых заповедей Его обещаннаго. Ты бо еси, Госпоже, единая наша по Боже надежда и упование, и Тебе весь живот наш предаем, чающе Твоего ради ходатайства и заступления не посрамлены быти в час исхода нашего от жития сего, и на

Стра́шном Суде́ Сы́на Твоего́, Христа́ Бо́га
на́шего десна́го Его́ стоя́ния сподо́битися, и та́мо
вечно́ ра́доватися со все́ми от ве́ка Ему́
благоугодившими и немóлчно сла́вити, хвали́ти,
благодари́ти и благословля́ти Его́ со Отце́м и
Ду́хом во ве́ки веко́в. Ами́нь.



ПОЛНЫЙ АКАФИСТНИК КАНОНИЧЕСКИЙ

АКАФИСТЫ
КО ГОСПОДУ БОГУ
ПРЕСВЯТОЙ
БОГОРОДИЦЕ
АРХАНГЕЛАМ
И АНГЕЛАМ

І

НОВОЕ
* НЕБО